


辛 亥 九 月 出 版

中國革命記

第一冊



上海望平街時事新報館發行

新出圖書廣告

黃帝紀元四千六百零九年九月出版

中國革命現勢圖^{一版} 定價

(中國革命記)
(第一冊定價大洋壹角伍分)

中國革命記^{第一冊} 定價

編輯者 時事新報館

中國革命記^{第二冊} 定價

發行者 時事新報館

中國革命記^{第三冊} 印刷

寄售處 上海各大書坊


中國革命史 定價

革命黨小傳^{第一冊} 定價


革命文牘類編^{第一冊} 定價

革命文牘類編^{第二冊} 印刷中

不許
複製



龍化湯
長總政民昌武




興黃
者命革行實州廣




洪元黎
者命革行實昌武
督都軍鄂國民華中



武昌軍民戰後休息圖



武昌民軍渡江圖



中國革命記第一冊

目次

圖畫

武漢戰地圖

黃興肖像 黎元洪肖像 湯化龍肖像

武昌民軍渡江圖

武昌民軍戰後休息圖

大事記 八月初五日起至三十日止

交戰記 八月二十六日起至三十日止

記事一
記事二
言論一斑

論中國革命之由來

外人之評論

傳記

孫文

文牘

中華革命軍總統檄告天下文

中華民國鄂軍都督黎檄告天下文

雜錄

二百六十年漢人不服滿人表

記事一

大事記

我國自光緒丙申。粵人孫文創立中興會於廣東。以革命爲宗旨。爲官場所知。逮捕甚急。乃避匿於英格蘭。是爲中國革命歷史之發端。孫文雖遭失敗。持志益堅。徧遊歐美各國及南洋各島。所到之地。必剴切演說。聞者心悅而誠服之。黨徒日繁。所圖漸有基礎。戊戌以後。革命黨屢有舉動。如漢口之變。大通之變。鎮南關之變。河口之變。類皆倏起倏敗。未奏尺寸之效。今歲三月二十九日。廣州之變。得黃興趙聲胡漢民諸豪傑指揮其間。卒以事前洩露。籌備未周。犧牲七十二英雄之生命。僅僅燬一督署。斃一無足重輕之將軍孚琦。刺一將死未死之水師提督李準。幸黃興胡漢民等得保首領。以爲後圖。而趙聲則擣病以死。或云未死嗚呼。革命大事。固必挾無數肝腦。無數頭顱。以博之。第以出類拔萃之

才不可多得。偶一舉事。官場捕戮之酷。如刈草菅。政府諸人不爲根本之救濟。猶持殘虐手段以對付。此如茶如火之風潮。可謂謬妄甚矣。迨今歲七月間。四川因商辦川漢鐵路收歸國有。羣起抗爭。政府不察輿情。視同匪類。驟調軍隊防剿。全國人民怨憤莫洩。於是革命黨乘機起於武昌。遂成八月十九日之變。此實中國存亡之樞機。而漢族之休戚政治之進退皆係之。然則辛亥者中國革命之新紀元也。竊不敏。因時就事。類記於此。疏謬之病。深願殷懷國是者指正之。

辛亥八月初九日。湖廣總督瑞澂接外務部密電。及江漢關轉呈英美兩國照會。僉謂有革命黨潛伏長江一帶。私運軍火。約期十五十六兩日。聚鄂起事。並約陸軍第三十標步兵同時響應等語。瑞督卽嚴飭軍警各界加意查防。及期無事。人心稍定。先是政府知沿江各省。時有革命黨出沒。曾密電各督撫預爲防範。鄂督瑞澂與第八鎮統制張彪巡警道黃祖徽等。通飭鄂省陸軍人員及巡警一體戒嚴。此四

月間事也。及八月初旬。風聲緊迫。恐有大股革命黨潛居省城。乃於十五日通行文武。嚴加防備。飭標統喻化龍率馬隊八標一營兵士駐防督署轅門內。飭警察隊二十名駐防督署西牆外。飭四十一標一營兵士梭巡賓陽門外一帶。混成協統親率本協步兵梭巡武勝門外及塘角沿江一帶。飭湖隼雷艇駐防大隄口。湖鶚雷艇駐防漢陽兵工廠。飭右路巡防隊駐防模範監獄。此事前防範之大概也。八月十八日武昌革命之事。同時洩露於漢口及省城。官場大震。陸軍及巡警分往捕獲。略如左列。

英租界之發端 十八日晚九點鐘。荆襄巡防隊統領陳得龍電稟督院。在漢口英國租界拿獲革黨二名。立時派隊護解督院。詢其行蹤。自認革黨不諱。一名劉汝夔。一名邱和商。均係留日學生。當卽押於督院靜待治罪。

小朝街之發端 第八鎮張統制於十八日晚十一點鐘在司令處查防。富有礮隊退任正目鄧某馳報有革黨密居小朝街八十二號八十五號九十二號。張統制卽

稟明瑞督帶同巡防兵督院衛兵數十名至九十二號拿獲八名其八十二號八十五號內拿獲黨徒二十七名內有女黨員龍韻蘭一名及彈藥多箱軍械數十件當解督院時有陸軍憲兵隊什長彭楚藩亦在被拿之列當被護兵認出立交參議官鐵忠審明斬決於東轅門外翌晨文武大員在督院會審復斬決三名

雄楚樓北橋洋房之發端 當搜捕小朝街之時一面遣兵至雄楚樓北橋高等小學堂間壁洋房內比至見室中燈燭輝煌正在印刷告示繕寫冊籍軍警冒其口號將門賺開驀入拿獲五人有數名上屋走脫

小雜貨店之發端 黃土陂千家街地方某小雜貨店內忽有炸彈爆烈轟然一聲震動數里軍隊趕至店中有一人面目焦黑雙睛拼出倒地呻吟係自行試彈轟壞者詢明爲楊宏勝又搜出炸彈十餘個雙筒手槍數桿馬刀十餘柄

俄租界之發端 漢口俄租界寶善里內有寓居鄂人四其內三人無辯十八日先有二人外出忽聞炸烈聲火光衝屋而出當有俄巡捕至寓查問在內二人乘間逸

去旋經捕頭查勘。知爲革黨。卽電知洋務公所吳令愷元。到寓搜查。當起獲炸彈手槍旗幟印信札文底冊鈔票滙票函件甚多。正查點時。有二人自外歸。卽爲俄巡捕拘送捕房。一名秦禮明。一名龔霞初。吳令愷元面稟關道齊耀珊。電稟瑞督。瑞督卽時照會俄領事。並飭吳愷元會同夏口廳王國鐸。將人賊一并解送巡警道。又在附近拿獲二十名。一同押赴督轅。十九日早卽審決三名。

督署之發端。十八夜督署內發見炸藥一箱。立時嚴查。見教練隊軍兵二人。形迹可疑。訊明希圖炸署不諱。卽在署前將二人正法。

八月十九日下午九時。工程第八營左隊營中。忽有炸彈聲喧噪。聲同時猝起。以同心協力爲暗號。掣下肩章。左右各繫白巾。督隊官阮榮發。右隊隊官黃坤榮。排長張文濤等出阻。卽被衆兵槍斃。後隊隊官羅子青降順。此外步隊二十九三十兩標殺斃管帶二人。排長二人。隊官一人。旗兵在楚望台被殺者三十餘人。各兵中復互相擊斃。不計其數。九時半。趨火藥庫。劫取子彈。而十五協兵士已同時齊集大操場。隨

帶子藥與工兵聯合協統王得勝飛電張彪。張計無所出。置之不答。私由後營逃回公館。該協各官亦均逃散。工兵等既劫火藥庫。斃守庫兵士後。悉運子藥至蛇山下關馬廠諮議局旁。即大呼趨督署。督署本有馬隊防護。互擊約五十分鐘。馬隊見工兵勢盛。亦與聯合營官有逃去者。有降順者。自十時半。礮隊八標。即架礮三尊於蛇山高處。高觀山正對督署。至四時。裝開花鋼彈轟燬督署頭門。及督練公所屋一間。藩署號房二間。並王府口乾記衣莊。不夜茶樓。鄰近二十餘家。直至十一時。始停礮。二時半。奪據火藥庫軍械所。

陸軍猝變。大事已起。然至九時至十二時。尙未得一首領。衆議以第二十一混成協協統黎元洪當之。乃趨黎之寓所。迫令出爲代表。黎諾之。遂以湖北諮議局爲總司令。部以黎元洪爲鄂軍都督。以諮議局議長湯化龍爲民政總長。

是夜十點鐘時。省城站崗警兵逃避一空。崗位警兵及憲兵被殺數十人。凡巡警崗位及各城門口。均由革命軍駐守。居民仍可出入。惟須盤詰數語。苟爲旗人。即被拘。

或被殺戮。黎都督傳令不準在城內放砲。免傷平民。又傳令不得妄殺滿人。一而派兵守藩庫、官錢局、儲蓄銀行、度支公所、財政處。總督瑞澂、藩司連甲、統制張彪均於午前棄城逃出。於是武昌省城遂爲革命軍所佔領。

八月二十日黎明。蛇山滿駐革軍。星旗招展。軍容甚盛。諮議局前亦懸新旗。測繪學堂及陸軍小學堂之學生。皆荷槍來助革命軍。軍政府出示安民。傳令商店照常交易。秩序依然。於是居民莫不表同情於革命矣。

漢陽於武昌勢如犄角。革命軍既得武昌。卽遣軍渡江。先至兵工廠。聲稱張彪派來保護之兵。廠中信之。革命軍分守各地。仍令照常工作。及瑞澂到廠領取槍彈。革命軍抗不允付。廠中同人始知已被革命軍所佔。紛紛竄走。總辦王壽昌遁匿上海。革黨仍開廠廣招工人。優給工資。晝夜趕造。以供軍事之用。兵工廠與鐵廠毘連。鐵廠爲張文襄與盛宣懷所創之商辦公司。盛宣懷所入資本頗厚。現總辦爲李維格。一季方在京師聞變。專車回廠。其夕全廠卽爲革命軍所佔。以其商辦也不加改革。拘

留李維格照舊辦事。惟匠人散走。不能完全開工。漢陽官吏逃匿無蹤。於是不勞一砲。不血一刃。而漢陽府城又爲革命軍佔領矣。

八月二十一日。有土匪在漢口華界乘機縱火。意圖擄劫。漢口商會及學界士紳。爲保全市面起見。報告於軍政府。黎都督立遣數百人馳至。商同保安會等。一面投火。一面擒匪。匪退火熄。整飭秩序。並盡力保護租界外人之生命財產。外人初疑武昌革命軍。含有庚子拳匪排外之性質。及見革命軍舉動文明。極爲贊嘆。夏口廳王國鐸子身遠颺。軍政府遂推前大江報主筆詹大悲爲漢口軍政分府。於是漢口又爲革命軍所佔領矣。

內閣奉上諭瑞澂電奏。十八夜革匪創亂。拿獲各匪。正在提訊核辦。革匪餘黨勾結工程營輜重營。突於十九夜八鐘響應。工程營則猛撲楚望台軍械局。輜重營則就營縱火。斬關而入。瑞澂督同張彪鐵忠王履康分派軍警隨時布置。並親率警察隊抵禦。無如匪分數路來攻。其黨極衆。其勢極猛。瑞澂退登楚豫兵輪。移往漢口。已電

調湘豫巡防隊來鄂會剿。並請派大員多帶勁旅赴鄂剿辦等語。覽奏殊深駭異。此次兵匪勾通。蓄謀已久。乃瑞激毫無防範。預爲布置。竟至禍機猝發。省城失陷。實屬辜恩溺職。罪無可逭。湖廣總督瑞激著卽行革職。帶罪圖功。仍著暫署湖廣總督。以觀後效。卽責成該署督。迅卽將省城尅期克復。毋稍延緩。倘日久無功。定將該署督從重治罪。並著軍諮府陸軍部迅派陸軍兩鎮。陸續開拔赴鄂剿辦。一面由海軍部加派兵輪。飭薩鎮冰督率前進。並飭程允和率長江水師卽日赴援。陸軍大臣蔭昌著督兵迅速前往。所有湖北各軍及赴援軍隊。均歸節制調遣。並著瑞激會同安速籌辦。務須及早撲滅。毋令匪勢蔓延。欽此。按瑞督旣出城。匿楚豫兵船中。不敢傍岸。停於外國兵船之後。隱受外人之保護。張彪出走時。尙有衛隊營數百人相隨。初獨匿於租界。爲外人所逐。乃率殘兵駐於劉家廟附近。以待援兵。參議官鐵忠不知何往。或云被殺。實則逃避矣。

八月二十二日。軍政府通知漢口各國領事團。以保護租界自任。各國領事團乃佈。

告嚴守中立。一面會議自保之策。英法日本各國將駐在我國各港之兵船調赴漢口。公推日本對馬船司令官川島爲聯合軍總司令官。專以保護外人生命財產爲職務。領事團復宣告無論何方面。如將礮火損害租界。當賠償一億七千萬兩。而開戰時必於二十四點以前。通告領事團。俾租界婦孺可以先期離埠。又劃出戰鬪線。兩方面交戰。必在租界十英里以外云。

是日奉上諭。端激兩次電奏。兵匪構變始末情形各等語。張彪督練鄂軍。已歷多年。竟至兵匪勾結。省城不守。可見其平日訓練無方。而事前既毫無防範。臨時復漫無節制。不能固結軍心。竟敢倉皇棄營逃出。實屬大干紀律。罪無可逭。統制官提督張彪。著卽行革職。並著瑞澂責令迅速痛剿逆匪。克復省城。所有被脅兵士。如非甘心從逆。卽行設法收撫。倘再畏葸觀望。定當加等治罪。現在廬昌所帶兵隊。已於今日專車陸續進發。到鄂後。卽著瑞澂會同籌畫。迅赴事機。所請飭部籌撥餉項一節。著度支部迅速籌撥欽此。又奉上諭。據貝勒載濤奏稱。本年秋操所調各項軍隊之軍